


Vesatijjin forum

www.cdv.ba Kontaktirajte nas putem maila: kolumna@cdv.ba



CENTAR ZA DIJALOG – VESATIJA
مركز الوسطية للحوار
AL-WASATIYYA CENTER FOR DIALOGUE
SARAJEVO – سارajevo

U okviru Dana Ajvatovice

Prezentovani naučno-istraživački projekti Centra za dijalog Vesatija



Istraživanje o vrijednosnim orientacijama mladih predstavljeno na omladinskom kampu za mlađe u Bugojnu

Tako je dana 24. maja 2016., u Centru za obrazovanje i kulturu u Gornjem Vakufu održana prezentacija naučno-istraživačkog projekta "Religioznost i rizična ponašanja adolescencija u urbanim sredinama FbIH". Navedenu studiju realizovalo je tim sa Islamskog pedagoškog fakulteta u Zenici, prof.dr. Edina Vejo, doc. dr. Muharem Adilović i mr. sc. Azemina Durmić, uz finansijsku podršku Centra za dijalog - Vesatija.

Dana 28. maja, 2016. godine je, u Omladinskom hotelu Karalinka u Bugojnu održana prezentacija naučno-istraživačkog projekta "Vrijednosti i vrijednosne orientacije muslimanske omladine u Bosni i Hercegovini". Navedenu studiju realizovalo je doc. dr. Aid Smajić, profesor sa Fakulteta islamskih nauka u Sarajevu, uz finansijsku podršku Centra za dijalog - Vesatija.

U Bugojnu je pred mladima koji su se na omladinskim kampu okupili iz čitave BiH autor jednog od istraživanja dr. Aid Smajić istakao kako vrijednosti

kao individualne koncepcije o "važnom" i "vrijednom", prije svega, imaju svoje etičko, identitetsko i eksplanatorno značenje i značaj za čovjekovu egzistenciju i ponašanje. Kao ciljne, odnosno "treba da" činjenice, vrijednosti su najviši, neoborivi ideali morala kojima i pojedinac i kolektiv mogu težiti, dok kao empirijsko-faktičke ili "jesti" činjenice one predstavljaju aktualna individualna i kolektivna uvjerenja o poželjnom, odnosno relativno stabilne i multifunkcionalne društveno-psihološke datosti iznimno važne za razumijevanje kako ličnosti pojedinca tako i stanja i stremljenja u široj društvenoj zajednici.

Cilj ovog istraživanja, po riječima doc. dr. Smajića, bio je utvrditi i analizirati vrijednosne stavove muslimanske omladine u BiH u četiri temeljna područja života - religija i moral, brak i porodica, slobodno vrijeme i rad, društvo i politika - pri čemu se uslijed ograničenosti raspoloživih tehničkih resursa moralno ograničiti na najvažnije indikatore i parametre razmatranih vrijednosnih tendencija. Također, napomenuo je

U okviru
506. Dana
Ajvatovice
Centar za
dijalog
Vesatija je
u Gornjem
Vakufu i
Bugojnu
prezentovao
naučno-
istraživačke
projekte
koje je
podržao
ovaj centar.

Sa prezentacije
istraživanja
u Gornjem
Vakufu (dolje)

da iako pojedini autori izraz „mladost“ koriste za kasnu adolescenciju, odnosno ranu odraslu dob (Lacković-Grgin, 2006), pojmovi mladost, omladina, mlađi, mlađenaštvo, mlađalačka dob i adolescencija će se koristiti kao sinonimi koji označavaju razvojno razdoblje od 11. do 20. godine, naglašavajući pritom da je svaka podjela ipak arbitarna i da uzorak u ovom istraživanju čine ispitanici starosne dobi od 17 do 20 godina. Uvažavajući spomenuta ograničenja ove studije, te komplementarno s relevantnim spoznajama ranije provedenih sličnih istraživanja, autor smatra kako bi dobijene rezultate i provedene analize trebalo uvažiti pri planiranju odgojnog i socijalizacijskog djelovanja među mladim naraštajima.

Na kraju svog izlaganja doc.dr. Smajić je istakao kako se na osnovu prikupljenih podataka o vrijednostima i vrijednosnoj orijentaciji kod omladine u Bosni i Hercegovini, u četiri ranije spomenuta područja života, može zaključiti da bosanskohercegovačka omladina za sebe je misli religiozna.

Direktor Centra, mr. Senad Čeman, u svom izlaganju je izrazio zadovoljstvo činjenicom da Centar, drugu godinu zaredom, učestvuje sa svojim izdanjima na „Danimu Ajvatovice“, dodavši kako je na ovogodišnjoj manifestaciji Centar učestvovao sa dva istraživačka rada koja se smatraju važnim u definiranju pravca u radu sa mladima, od kojih je 24. maja 2016. godine je u Gornjem Vakufu prezentovan rad „Religioznost i rizična ponašanja adolescenata u urbanim sredinama FbIH“, autorā prof.dr. Edine Vejo, doc.dr. Muhamrema Adilovića i mr.sc. Azemine Durmić.

Direktor Centra je istakao kako smo u posljednje vrijeme svjedoci susreta sa različitim tumačenjima islama i dodao je kako Islamska zajednica u Bosni i Hercegovini, putem Centra i njegovih izdanja, pokušava na prikidan način muslimanima, a pogotovo muslimanskoj omladini u Bosni i Hercegovini objasniti srednji put islama, kako bi ga trebalo razumjevati te živjeti u našem kontekstu.



Sarajevo

Tribina "Umjerenošć u sunnetu Muhammeda, s.a.v.s."

Dana 30. maja 2016. godine, poslije akšam namaza u Carevoj džamiji, u sklopu ciklusa tribina kojeg organizuju Muftijstvo sarajevsko i Medžlis Islamske zajednice Sarajevo u saradnji sa Centrom za dijalog - Vesatija, održana je treća tribina na kojoj je o temi Umjerenošć u sunnetu Muhammeda, s.a.v.s. govorio prof.dr. Zuhdija Hasanović, dekan Fakulteta islamskih nauka u Sarajevu.

Na početku svog izlaganja dr. Hasanović se osvrnuo na neke činjenice koje govore o potrebi ozbiljnog rada na vraćanju mjeđe u naše živote, navodeći kao primjer podatak da danas u svijetu oko 920 miliona ljudi je gladno ili nema dovoljno hrane za svakodnevne potrebe. S druge strane, nalazimo da preko milijardu ljudi na svijetu, na Istočnu i Zapadu, imaju prekomernu tjelesnu težinu. „Ova činjenica“, kazao je dr. Hasanović, „sama po sebi dovoljno govori o potrebi



Sa predavanja dr. Hasanovića u Carevoj džamiji

ozbiljnog promišljanja o tome šta je, u stvari, naša mjera“.

Dr. Hasanović je istakao da ukoliko želiš ostvariti kvalitetan, dobar i sretan život, potrebno je da uspostavimo balans između Ovoga i Drugoga svijeta. Također, za muslimana je veoma važno uspostaviti balans iz-

među morala i zakona, kako bi njegov život imao smisla. U vezi sa našim vjerovanjem (ibadetom), ukazao je na to kako je nužno porebiti ga sa Muhamedom, a.s., tj. njegovim načinom življena, kako bismo preispitali sami sebe te vidjeli koliko, doista, slijedimo Poslanika, a.s.

Zaključujući svoje izlaganje dr. Hasano-

vić je istakao da, što više uključujemo sviest o Budućem svijetu, Sudnjem danu, o Džennetu i Džehennemu, naši će životidaleko aktivniji, kvalitetniji i ispunjeniji umjerenosć. Predavanje dr. Hasanovića može se pogledati u video prilogu RTV IZ BIR (bir.ba) u na stranici Centra za dijalog Vesatija (cdv.ba).

